



Air Greenland A/S
Postboks 1012
3900 Nuuk
Greenland

Tel.: +299 34 34 34
Fax: +299 32 72 88

www.airgreenland.gl
CVR-nr 56996710

Akissarsititsisarnermut politikki

Tunuliaqutaq

Air Greenland A/S-imi akissarsititsisarnermut politikki ingerlatseqatigiiffiup siulersuisuinit qullersaqarfianullu akissarsiassanut tamarmiusunut sinaakktissat tunngavissallu allaaserineqarput. "Qullersaqarfik" pisortaanermik imaluunniit pisortaanernik, Erhvervsstyrelsen-imi Air Greenland A/S-imi pisortaanertut nalunaarsorsimasumik paasineqassaaq.

Siunertaq

Akissarsititsisarnermut politikki pingaarnertut siunertaavoq:

-Ingerlatseqatigiiffimmi pisortanut akissarsiarititaasut tamarmiusut ammasumik ersarissumillu saqqummiunneqartarnissaannik qulakkeerinissaq

-Siulersuisuni qullersaqarfimmilu sulisunik piginnaanilinnik pileritsatsitsinissaq, kaammattuinnissaq sulinnartitsiniarnissarlu

-Aktianik piginnittup, siulersuisut qullersaqarfiullu soqutigisaasa ataqaatigiinnissaannik qulakkeerinissaq

-Aktianik piginnittup soqutigisai naapertorlugit Air Greenlandimi niuernermit periusissianut, piujuartitsinermit ingerlatseqatigiiffimmilu nalilinnik pilersitsisarnerup siuarsarnissaanut tapertaanissaq

Aktianik piginnittup malittarisassiai pingaarnertit

Aktianik piginnittup, Namminersorlutik Oqartussat, pisortat akissarsiaqarnerat, kiisalu akissarsiat immikkoortuisa (aalajangersimasut allanngorartullu) katitigaanerat, taamaalillutillu akisussaaffiit, ersarissutsit, suliat aammalu pisortat ingerlatseqatigiiffimmut naleqalersitsinerannut naleqqunnissaat oqimaaqatigiissinnissaallu pillugu ammasumik pissuseqarnissap, taamaalillutillu qulakkeerneqarnissaa kissaatigaa. Tamatuma saniatigut akissarsiat inuiaqatigiinni akissarsiat ineriartornerannut atatillugu naammaginatutut isigineqartariaqarput.

Siulersuisunut akissarsiaqartitsinermit politikki

Siulersuisuni siulittaasoq, siulittaasup tullia ilaasortallu ukiumoortumik ilaasortaanermit aalajangersimasunik akissarsiaqartinneqarput, tassanilu Namminersorlutik Oqartussat aktianik piginneqatigiiffinni Namminersorlutik Oqartussanit pigineqartuni akissarsiaqartitsinermit politikki malinneqarpoq. Kisiannili siulersuisunut ilaasortanut, siulersuisut kukkunersuiunermit periusissiornermullu ataatsimiititaliaanni ilaasortaanermit akissarsianik aalajangersimasunik aalajangersaasoqarsimavoq.

Ingerlatseqatigiiffiup siulersuisunut ilaasortat siulersuisuni sulianut atatillugu angalanermit, ineqarnermit attaveqateqarnermullu aningaasartuutaat akilertarpari. Siulersuisut atortussat, kiisalu suliaasa ilaat atortut elektroniskiusut

atorlugit suiarineqartarput, taamaattumillu ilaasortat IT-mut atortunik atuinerannut ingerlatseqatigiiffik tapiissuteqartarpoq.

Siulersuisunut ilaasortanut maanna ilaasortaasunut ilaasortaasimasunullu akissarsiarititat tamakkerlutik ingerlatseqatigiiffiup ukiumoortumik nalunaarutaa aqputigalugu ilisimatitsissutigineqartarput. Akissarsiat siulersuisunut kajumissaatitut atorineqanngillat.

Qullersaqarfimmut akissarsiaqartitsinermut politikki

Qullersaqarfimmut akissarsiarititassat siulittaasoqarfimmit (siulittaasoq aamma siulittaasup tullia) isumaqatiginninniutigineqartarput, aammalu ukiumoortumik naliliiffigineqartarlutik. Akissarsiat ilaatigut unammillersinnaanissaat, qullersaqarfimmi piginnaasanut angusanullu naapertuunnissaat, aammalu ilaatigut sapinngisamik ammanerpaamik saqqummiunneqarsinnaanissaat qulakkeerniarlugu pisariitsumik ilusiligaanissaat anguniarneqarpoq. Ingerlatseqatigiiffiup pisortanit pigineqarnera paasisimaaralugu akissarsiat aalajangersarneqartarput.

Qullersaqarfimmut akissarsiarititaasut akissarsianut aalajangersimasunut ajunngitsorsiasanullu aalajangersarneqarsimapput. Tamatuma saniatigut aamma akissarsiat nikerartuusinnaapput.

Akissarsiat aalajangersimasut ajunngitsorsiasallu

Aamma akissarsiat aalajangersimasut soraarnerussutisiassanik ilaqartinneqarput. Ajunngitsorsiasat nalinginnaasusarput, tassaasinnaallutik ingerlatseqatigiiffiup iluani politikkit naapertorlugit biilnik, inissiamik, oqarasuaammik internet-imillu akeqanngitsumik atugassaqartinneqarnek, aviisunik attuumassutilinnik pisartagaqartinneqarnek, aammalu suliassaqarfimmi aaqquissuussinernik nalinginnaasunik, soorlu IDtravel-inik atuisinnaatitaaneq.

Akissarsiat nikerartut

Angusat apeqputaatillugit nikerartunik akissarsiaqartitsineq aqputigalugu siulersuisut ingerlatseqatigiiffiup aktianik piginnittut soqutigisaat naapertorlugit anguniagaannik angusaqarnissamat siuarsaasinnaapput. Akissarsiat nikerartut akilerneqarnissaannut piunasaqaatit angusassanik anguniagaqarnerit, kiisalu ingerlatseqatigiiffiup anguniagaannik anguniagaqarnerit kattullugit aalajangersarneqassapput. Piunasaqaatit taamaattut siulittaasoqarfimmit ukiumoortumik aalajangersarneqartassapput, taakkunanilu siunissamat qanittumut annaasaqarfiusinnaasunullu pissusilersornissat siuarsarneqassanngillat, kisiannili ingerlaavartumik naleqqussarneqassallutik. Paasissutissat, kingusinnerusukkut kukkusutut uppernarsarneqarsinnaasut tunngavigalugit akissarsiat nikerartut akilerneqarsimagunik utertillugit akilerneqarnissaat piunasaqarneqarsinnaassapput.

Tunuarnermut piunasaqaatit

Qullersaqarfimmiit ilaasortat atorfininnermut isumaqatigiissutaat nalinginnaasut pingaarnertut piffissamat killiligaassanngillat, aammalu illuatungeriinniit suliunnaarnissamat isumaqatigiissutinik imaqaassallutik. Illuatungeriinniit suliunnaarnissamat ilimasaarutit qaammatit 18-it sinnerlugit pisoqaassuseqassanngillat. Suliunnaarnissamat piffissaliussap, suliunnaarnermi ajunngitsorsiasat il.il. nalingi ataatsimut katillugit qaammatini 18-ini akissarsiat aalajangersimasut nalinginik annertussuseqassapput. Suliunnaarnermut

Air Greenland A/S

Postboks 1012

3900 Nuuk

Greenland

Tel.: +299 34 34 34

Fax: +299 32 72 88

www.airgreenland.gl

CVR-nr 56996710

ajunngitsorsiassat taamaallaat ingerlatseqatigiiffiup tungaaniit
suliunnaarsitsisoqarnerani akilerneqarsinnaapput.

Ersarissuseq ammanerlu

Akissarsianut politikki manna ataatsimeersuarnermi akuerisassanngorlugu
saqqummiunneqassaaq, tamatumalu kingorna Air Greenland A/S-ip nittartagaatigut
tamanut ammasumik saqqummiunneqassalluni.

Akissarsianut politikkimut allannguutit, siulersuisunit akuerineqartut
ataatsimeersuarnermi siullermit akuerisassanngorlugit saqqummiunneqassapput.

Aammattaaq Air Greenland A/S-ip ukiumoortumik nalunaarusiaa, ukiumoortumik
ataatsimeersuarnermi nalinginnaasumi saqqummiunneqartussaq
akuerineqartussarlu innersuussutigineqarpoq. Ukiumoortumik nalunaarusiami
allaaserineqarput:

- qullersaqarfimmut akissarsiarititaasut immikkoortui ataasiakkaat tamarmiusut,
kiisalu katinneri

-siulersuisunut akissarsiarititaasut tamarmiusut

-akissarsiat Air Greenland A/S-imi akissarsianut politikkimut naleqqiunneqarneri

Nuuk, ulloq 9. aprili 2024

Siulersuisut

Air Greenland-ip ileqquusumik ataatsimeersuarni maajip 13. -iani 2024
saqqummiunneqarpoq, tusaatissatullu tiguneqarluni.

Air Greenland A/S
Postboks 1012
3900 Nuuk
Greenland

Tel.: +299 34 34 34
Fax: +299 32 72 88

www.airgreenland.gl
CVR-nr 56996710